

Nuummi ulloq 22. maj 2012

Akilerartarnermut aappaasumik nalunaarsuineq

Apeqqu:

Naligiissitaanermi aalajangiisartut nittartagaanni atuarneqarsinnaavoq, innuttaasoq naligiissitaanermi aalajangiisartumut maalaaruteqarsinnaasoq, innuttaasoq kommunimini nalunaarsorneqarsimaguni aapparisami CPR-normuata ataani.

Naligiissitaanermut ministerip qallunaat nunaata kommuniini nutaani nak-kutigisassatut allattugaani ilaavoq, nutaanik IT-t qaratsersorneqalerpata eqqaamallugu tamanna tapersortariaqartoq, kommunillu tassunga atatil-lugu innuttaasunik sullissaqaraangamik inuk kinaassusaatigut immikkut isiginiartassagaat. Taassuma ataani pingaartitatut allaqqavoq, IT-t qarasaasiaanni taperserneqartoq, meeqqap ataataanut anaanaanullu saaf-figinninnerup pisarnissaa, kommuni angajoqqaanut paasissutissiitillugu. IT-t qarasaasiaanni taperserneqarluni, arnat namminneq CPR-normui atorlugit allattugaanissaat, uiisa ataaniunngitsaq.

1. Naalackersuisunut ilaasortamik ilisimaneqarnerluni, Kalaallit Nunaanni akileraartitsartut sulinerminni aapparisap akileraarneranik suliap ataani taamaallaat aappariit aappaannaata CPR-normua kisimi atorneqartartoq?

Akissut:

Aap, nalunngilara akileraartariaatsimi ataatsimut akileraartarnerup kingunerigaa inuup pingaarnerusup ataani nalunaarsuisoqartarmat, tassanilu angutaagajuppoq, aammalu aappaasoq arnaagajulluni, inuillu ataatsimut akileraartinneqartut periutsini imminnut unnersuuttarnissaat.

Apeqqu:

2. Ilumoornerarlugu akisoqassappat kissaataavoq aaqjissuinermit tassunga tunngaviup pissutaasullu paasissutissiissutiginnissaat. Paaserusunnarporlu, Naalackersuisunut ilaasortap immikkoortitsinertut ileqqoq taanna qanoq ililluni qimanniarsarissaneraa.

Akissut:

Ilinnut paasissutissiissutigisinnaavara, akileraartarnermut suliat uiusup CPR-normuata ataani taamaallaat nalunaarsorneqartarnerannut tunngavigneqartoq takuneqarsinnaammat Akileraartussaaitat allattorsimaffii pillugit Namminersornerullutik Oqartussat nalunaarutaanni nr. 26, 28. november 1996-imeersumi § 1. imm. 3-mi, tassanilu immikkoortoq taanna 1974 aamma 1979-imiilli allangortinneqarnani ingerlaannarnikuuvoq. Tassani erseqqissarneqarpoq, akileraartussaaitat allattorsimaffii imm. 1 naapertorlugu suliarineqarnerini akileraartussaaitaasut inuttut normuisigut tullerriaarneqassasut. Aammattaaq inunnut ataatsimut akileraartitaasussanut aappa-

risap inuttut normua normutut unnersuussutitut allanneqarluni ilanngun-
neqassaaq.

Nalunaarsuinermit tassunga pissutaavoq, aningaasarsianit akileraarutit
pillugit inatsisaanni § 4, imm. 1-imi aalangersarneqarmat, aappariit anin-
gaasarsiaminnit ataatsimoorlugit akileraartinneqassasut, marluullutik ukiup
aningaasarsiorfiusup naanerani tamakkiisumik akileraartussaataappata,
aammalu taamaalinerani inooqatigiissimappata imaluunniit ukiup anin-
gaasarsiorfiusup ingerlanerani averusersimanatik inooqatigiikkun-
naarsimappata.

Naalakkersuisut tamanna maluginiartorujussuuvaat aammalu kissaati-
galugu ataatsimuit akileraartitsinerup atorunnaarsinneqarnissaa pillugu
siunnersuuteqartoqassasoq, taamaaliornikkut ullumikkumut naleqqiullugu
aappariinnut katissimasunut aamma aappariittut nalunaarsorneqarsi-
masunut akileraarutitigut atugarliortitsinnginnerunissaq. Tamanna pisinna-
assaaq ukiup tulliuuttup ingerlanerani, ilaatigut IT-mut atortut, ataani allassi-
masut malillugit, allannguutit taamaattut suliarisinnaalerpagit.

Apeqqut:

*3. Akileraartarnermi Pisortaqarfiup Kalaallit Nunaanni akileraartitsisartut IT-
vinut nutaanut immikkut piumasarisimanerlugu naligiissitaanermik innimit-
tarneq pingaaruteqartoq qulaani oqaatigisap tulluarsarlugu ilanngunnissaa
Naalakkersuisup qularnaarsimanerpaa.*

Akissut:

IT atorlugu akileraartarnermut periutsimut nutaamut suliaqartoqarneran
atatillugu Naalakkersuisut soorunami qulakkeeriniarput, periutsimi takkut-
tussami ataatsimut akileraartarnerup atorunnaarsinneqarnera suliar-
neqarsinnaanissaa, soorlu qulaani taaneqareersutut ataatsimut akileraart-
arnerup atorunnaarsinniarlugu aalajangiisoqassappat.

Apeqqut:

*4. Naligiissitaanermut politikki sorleq eqqarsaatigineqarpa Akileraartarnermi
Pisortaqarfimmut aalajangiunneqartussaq, Kalaallit Nunaanni akileraarusi-
inerup eqiternerata kingorna.*

Akissut:

Akileraartarnermi Pisortaqarfimmi naligiissitaanermut politikki eqiterinerup
kingorna, soorlu ullumikkut taamaattoqartoq, Namminersornerullutik Oqar-
tussat nalinginnaasumik naligiissitaanermut politikkia malittussaavaa,
taamaalilluni angutaappat arnaaguniluunniit, anguteqatiminoortuuppat
imaluunniit arnaqatiminoortuuppat, qanoq upperisaqartuuppaat
apeqqutaatinngit atorfinnut inuttaqanngitsunut atorfinitsitsinermi soqutigi-
neqarsinnaassappat. Tamatumani aamma atuuppoq, Akileraartarnermi
Pisortaqarfiup sulinerani inatsisit atorneqartut, periutsit allaffissornerlu
eqqarsaatigalugit.

Akilaraarutit akitsuutillu

Apeqqu:

Qamutit motorillit akilaraarutaat pillugit Inatsisartut inatsisaata allanngortinneqarneranik Inatsisartut inatsisaanni nr. 7, 11. november 2004-meersumi takuneqarsinnaavoq, qamutit motorillit aalajangersimasumik ingerlaarfeqarlutik bus-itut atorineqartut akilaraarummik akiliinnginnissaat Naalakkersuisut akuerisinnaagaat.

5. Inatsisip atulernerata kingorna bus-inut aalajangersimasumik ingerlaarfeqartunut Naalakkersuisut qasseriartut akilaraarummik akiliinngitsoortitsippat.

Akissut:

1. januar 2005-imiit ulloq manna tikillugu katillugu bus-inut sisamanut motorimut akitsuummik akiliinngitsoortitsisoqarpoq.

Bus-it taakku sisamaasut qamutit motorillit akilaraarutaat pillugit inatsisartut inatsisaata 2004-mi allanngortinnginneranili motorimut akitsuummut akiliinngitsoorsimassagaluarput, tassami allannguinermi taamaallaat akiliinngitsoornissamut erseqqissaasoqarmat.

Apeqqu:

6. Attartortitsisariaqarneq malillugu piffissap ilaannaani innuttaasunikbussit atorlugit sullissimasut akitsuusiiffigineqarnissaannik Naalakkersuisut piffissap ataani pisussaajunnaarsitsimanerlutik.

Akissut:

Naamik.

Apeqqu:

7. Qamutit motorillit bussit angalasut akitsuutaannik Nunap Karsianut piffissap iluani isertissimasat Naalakkersuisunit qanoq missingersorneqarpat.

Akissut:

Akissummi tunngavigineqassaaq apeqquumi una pineqarunarmat, qamutit motorillit akilersillugit inuit qulingiluat sinnerlugit, aquttua ilanngullugu, ilaasoqartussanngorlugit aalajangerneqarnikut.

Paasissutissat pigineqartut aallaavigalugit bussinut taamaattunut, assersuutigalugu takornarissanut imaluunniit suliffimmiit suliffimmut sulisunut atorineqartartut, kisisit qassiunersut eqqoriannissaat ajornakusoorpoq.

Nuna tamakkerlugu eqqarsaatigissagaanni bussit 20-it qaangersimassaneraat ilimanarpallaangilaq, taakkulu moroorit akitsuutaannik 219.000 kr.-inik iluanaaruteqarfiussapput, taamaattoqartillugulu piffissami 1. januar 2006-imiit 31. marts 2006 tikillugu 274.000 kr.-inngortussaapput.

Apeqqut:

Eqqussukkanut akitsuutit pillugit Inatsisaanni nr. 19, 30. oktober 1992-imeersumi § 1, imm. 1 naapertorlugu, tipigissaatit, pinnerfaatit, tarngutillu eqqussukkatut akitsuuserneqartarput akiligassap 38%-ianik. Akitsuuserneqarneq ajorput qaqorsaatit kigutigissaatit, quligutillu qaqorsaaataannaat, unernut tarngutit, taratsut uffaait, qajuusaasat meeraaqqallu atugassaannik akullit.

8. Ukiuni 2001-imiit 2005-ip tungaanut taakkununnga akitsuutitut Nunatta Karsianut qassit isertinneqarsimappat?

Akissut:

Tipigissaatitut il.il. akitsuutitut iluanaarutit:

2001	2002	2003	2004	2005
3.273.740	3.400.543	3.385.155	3.729.691	3.884.414

Apeqqut:

9. Pisiassat assigiinngitsut agguarlugit akitsuutaasa isertitaasa qanoq atsigineri Naalakkersuisunit oqaatigineqarsinnaappat?

Akissut:

Pisiassanit ataasiakkaanit akitsuuserneqartunit iluanaarutit nalunaarsorneqarneq ajorput.

Tassunga atatillugu maluginiarneqassaaq, taakkunani akitsuutini pisiassat assigiinngitsorpasuit pineqarmata. Taamaattumik pisariaqanngitsumik sulinerussaaq, pisiassanut ataasiakkaanut ataasiakkaarlugit suuneritut taaguusersuisoqassagaluarpat aammalu nalunaarsuisoqarluni.

Apeqqut:

10. Ingerlatseqatigiit namminersorlutillu inuussutissarsiutillit, soorlu nujalerisut, isertitanut akileraartarnerup inatsisaani § 17 malillugu tipigissaatit pisi-ami eqqunnerannut akitsuutigisimasatik ingerlatsinertut taasatut ilanngaatigisinnaavaat?

Akissut:

Tipigissaatit inuussutissarsiutigalugu suliffimmut atugassatut pisiar- neqarsimasuni aningaasartuutit, aningaasarsianit akileraarutit pillugit inatsimmi § 17 naapertorlugu ingerlatsinermut aningaasartuutitut ilanngaatigineqarsinnaapput.

Apeqquut:

Siornatigut inatsisartut inatsisaanni taaneqartumi § 1, imm. 1, nr. 1 malil-lugu, imigassat ethanol-imik akullit eqqunnerat akitsuuserneqartarpoq. Vi-innit nalinginnaasut nerrisit, 9,1-ip 15,9-llu akornanni procentimik annertus-sutsimigut sakkortussusillit, liiterimut akitsuutaa 47-75 koruuniusarpoq, an-nertussutsimigut sakkortussusaa apeqqutaalluni.

11. Akitsuuseeriaatsip piuminarnerulernissaa piviusunngortinneqassappat, viinnip nerrisip nalinginnaasup annertussutsimigut sakkortussusaa apeqqutaatinngu akitsuusigaajunnaarpat, Nunatta Karsianut anin-gaasaqarneq eqqarsaatigalugu qanoq kinguneqarsinnaanera missinger-sorneqarsinnaava? Benchmarkingip ataatsimiititaliaata inassutaata erseqqissup taanna pillugu nalunaarusaani imm. 16.2, 2003-meersoq ma-lillugu.

Akissut:

Apeqquummi qulaani taaneqartumi imaluunniit Benchmarkingip ataatsimiita-liaata nalunaarusaani takuneqarsinnaanngilaq apeqquummi innersuus-sutigineqartumi akitsuummut aki qanoq annertutigissanersoq.

2005-imi viinnimit nerrisimit iluanaaruatit 47.165.842 kr.-iusimapput.

Atuineq allanngussanngippat akitsuuseeriaatsini sisamani iluanaarutit imatut allannguuteqassapput:

<i>Akitsuuseriaaseq</i>	<i>47 kr.</i>	<i>54 kr.</i>	<i>61 kr.</i>	<i>75 kr.</i>
Iluanaarutit al-lanngornerat	-7.562.048 kr.	-1.663.611 kr.	4.234.826 kr.	16.031.701 kr.

Naatsorsuinermut tassunga atatillugu atueriaatsit allanngorsimanissaat isiginiarneqarsimangilaq.

Imigassap tungaatigut akitsuuseriaaseq ullumikkut atorpeqartoq aammalu inatsisartut 1992-imi isumaqatigiillutik eqqussimasaat, imigassaq pillugu politikikkikut anguniakkanut isiginiarneruvoq, tassunga ilanngullugu imiga-samik atainerup millisinnissaanut kissaateqarneq.

Ullumikkut aaqqissuinermi imigassat sakkukinnermik procentitalit imigas-sanit sakkortunermik procentalinnit minnermik akitsuuserneqartarput. Tas-sani siunertaavoq atuisut pisiassanik annikinnermik imigassartalinnik pi-siortornerulernissaat.

Aaqqissuinerup aamma malitsigissavaa, siornamut naleqqiullugu, pisiassat assigiinngitsut sananeqartarnerisa akornanni assigiinngisitsisoqanngimmat.

Periuseq taamaalilluni ilaatigut atorneqarsinnaassaaq pisiniarfinni pisiassanik nutaanik eqqussisoqaraangat, soorlu Smirnoff Ice pisiassallu akuukkat assigisaat.

Uanga nammineerlunga isumaga malillugu imigassap tungaatigut akitsuu-seeriaatsip allanngortinnissaa pissusissamisuussanngilaq. Taamatut allannguisoqassappat imigassap tungaatigut politikki piffissaanngitsukkut ammanerulersinneqassaaq imaluunniit taanna kissaatiginngisamik sukate-riffiulluni.

Ikinngutinnersumik inuulluaqqusillunga

Josef Motzfeldt